

**ZA MALA
I SREDNJA
PREDUZEĆA**



UPALI ZA SVIJETLU BUDUĆNOST

U saradnji sa UNDP u BiH i uz podršku Švedske, kreditna linija za provedbu mjera energetske efikasnosti i obnovljivih izvora energije.

UNIONBANKA

Jedina. Odgovorna. Pouzdana.

Kreditna linija za provedbu mjera energetske efikasnosti i obnovljivih izvora energije se provodi kroz projekat Zeleni ekonomski razvoj (GED), kojeg finansira Švedska, a implementira Razvojni program Ujedinjenih nacija u BiH (UNDP).

Kome je kredit namijenjen?

Prihvatljivi podnosioci zahtjeva za kredit po predmetnoj kreditnoj liniji mogu biti postojeći ili potencijalni klijenti, mala i srednja preduzeća, koja zadovoljavaju sljedeće kriterije:

- broj uposlenih < 250
- godišnji promet do 97,8 mio KM
- aktiva do 84,1 mio KM

Koje su prednosti kreditne linije?

Po završetku investicije i verifikaciju investicije od strane UNDP-a, iznos kamate po odobrenom kreditu će biti subvencioniran kroz GED projekat, kojeg finansira Švedska, a implementira UNDP.

Koji je iznos subvencije i kako se određuje?

Subvencija se dodjeljuje kao procent od ukupne vrijednosti investicije, pri čemu maksimalna subvencija može iznositi do 10% investicije, ali ne više od 40.000,00 KM. Na primjer:

- Ako je investicija 500.000,00 KM, maksimalna subvencija iznosi 40.000,00 KM.
- Ako je investicija 400.000,00 KM, maksimalna subvencija iznosi 40.000,00 KM
- Ako je investicija 300.000,00 KM, maksimalna subvencija iznosi 30.000,00 KM.
- Ako je investicija 200.000,00 KM, maksimalna subvencija iznosi 20.000,00 KM.

Da li je iznos kredita jednak iznosu investicije?

Da. Iznos subvencije će se određivati u skladu sa ukupnim iznosom kredita, odnosno investicije.

Namjena kredita?

Podnosioci zahtjev za kredit mogu kao namjenu navesti jednu ili više mjera energetske efikasnosti, i to:

1. toplotna izolacija vanjskih zidova, stropa/krova, poda na tlu;
2. zamjena vanjske stolarije (prozori i vrata);
3. unaprjeđenje sistema za proizvodnju i distribuciju energije za grijanje i/ili hlađenje prostora i/ili pripremu potrošne tople vode putem instalacije kotlova na pelet ili toplotnih pumpi ili gasnih kondenzacijskih kotlova, solarnih kolektora za proizvodnju potrošne tople vode, zamjena neefikasnih klimatizacijskih uređaja novim energetske efikasnim.
4. zamjena postojećih rasvjetnih tijela novim LED rasvjetnim tijelima;
5. unaprjeđenje energetske efikasnosti u proizvodnim procesima (npr. iskorištenje otpadne toplote, mjere na povećanju efikasnosti rada elektromotornih pogona, nabavka novih energetske efikasnijih proizvodnih mašina (npr. CNC mašine i sl.),
6. izgradnja fotonaponskih elektrana za proizvodnju električne energije isključivo za vlastite potrebe.

Da bi mjere bile prihvaćene, moraju ispunjavati minimalne tehničke uslove iz Priloga: Prihvatljive namjene kredita.

Na koji način se utvrđuje da je investicija podobna za finansiranje iz ove kreditne linije?

Utvrđivanje podobnosti investicije se vrši kroz posjetu klijentu na licu mjesta i obilazak lokacije investicije od strane predstavnika UNDP-a i Banke. Prilikom navedene posjete utvrđuje se eventualna potrebna dodatna dokumentacija koja je neophodna kako bi se utvrdila podobnost projekta. Nakon obavljene posjete i prikupljanja sve relevantne dokumentacije održat će se Investicioni komitet koji će dati konačnu ocjenu podobnosti investicije. Samo projekti koji dobiju pozitivnu ocjenu Investicionog komiteta ulaze u proceduru odobrenja kredita iz ove kreditne linije.

Da li odobrenje od strane Investicionog komiteta znači da će kredit za finansiranje projekta biti odobren?

Ne. Ovo je preduslov za razmatranje odobrenja kreditnih sredstava. Odluka o odobrenju kredita se donosi od strane nadležnog Kreditnog Odbora Banke i ona prvenstveno zavisi od kreditne sposobnosti tražioca kredita.

Minimalni i maksimalni iznos kredita?

Minimalni iznos kredita je 50.000 KM, a maksimalni 500.000 KM (u ovisnosti od namjene finansiranja, boniteta klijenta, ponuđenih instrumenata obezbjeđenja, te drugih relevantnih pokazatelja).

Maksimalan rok otplate kredita?

Maksimalan rok otplate kredita je 7 godina (84 mjeseci), uz grace period do 12 mjeseci (uključeno u ukupni period otplate)

Visina kamatne stope?

Za rok otplate kredita do 5 godina, nominalna kamatna stopa iznosi 3,49%
Za rok otplate kredita do 7 godina, nominalna kamatna stopa iznosi 3,69%

Vrsta kamatne stope?

Kamatna stopa je fiksna tokom cijelog roka otplate.

Naknada za obradu zahtjeva za kredit?

Naknada za obradu zahtjeva za kredit iznosi 0,5% od iznosa kredita (ukoliko je većinski vlasnik/direktor podnosioca zahtjeva žena, naknada za obradu kredita je 0,00%).

Instrumenti obezbjeđenja?

Prihvatljivost ponuđenih instrumenata obezbjeđenja i dostavljene dokumentacije definisana je relevantnim internim aktima Banke.

Potrebna dokumentacija za subvenciju kamate?

Preduslov za subvenciju kamate je dostavljanje fakture za investiciju koja je predmet kredita, dokaza da su te fakture plaćene i potvrde od strane UNDP-a da je investicija uspješno završena.

Na koji način se vrši isplata subvencije?

Prilikom potpisa ugovora o kreditu, korisnik kredita potpisuje i Ugovor sa UNDP kojim se reguliše osnov za isplatu subvencije. Nakon što se utvrdi da je odgovarajuća dokumentacija iz prethodnog stava kompletirana i da je investicija uspješno završena, korisnik kredita izdaje fakturu na iznos subvencije, uvećanu za iznos PDV-a. Na osnovu fakture, UNDP korisniku isplaćuje subvenciju na račun otvoren u UNION Banci.

Ko su prihvatljivi podnosioci zahtjeva za kredit?

Prihvatljivi podnosioci zahtjeva za kredit mogu biti postojeći ili potencijalni klijenti koji zadovoljavaju kriterije definisane internim aktima Banke i uslovima UNDP GED projekta - mala i srednja preduzeća koja su registrovana na teritoriji Federacije BiH i ispunjavaju već gore navedene kriterije. Podnosioci zahtjeva mogu podnijeti samo jedan zahtjev po ovoj kreditnoj liniji. Podnosioci zahtjeva mogu da podnesu zahtjev isključivo samostalno. Prijave više podnosilaca u okviru jednog zahtjeva, neće biti uzete u obzir. Podnosioci zahtjeva su odgovorni za dostavljanje informacija i dokumenata.

Ko su neprihvatljivi podnosioci zahtjeva za kredit?

Neće se razmatrati podnosioci zahtjeva za koje se utvrdi da:

- su kroz zahtjev dostavili neistinite i netačne informacije i prateću dokumentaciju;
- su u postupku predstečajnog, stečajnog postupka ili likvidacije;
- su dužnici, sudužnici ili žiranti po obavezama prema finansijskom instituciji, klasifikovani u nivo kreditnog rizika 3,
- nisu registrovani na području FBiH;
- nisu ispunili obaveze plaćanja dospjelih poreza i doprinosa za penziono i zdravstveno osiguranje u skladu sa zakonskim odredbama (podnosioci zahtjeva koji imaju sklopljen ugovor sa poreskim organima u BiH o servisiranju duga neće biti uzeti u razmatranje);
- su osuđeni za kazneno djelo vezano za svoje poslovanje na temelju pravosnažne presude;
- koji u svojoj vlasničkoj strukturi imaju udio državnog kapitala;

U skladu sa prihvatljivošću poslovnih praksi podnosilaca zahtjeva, neće se razmatrati podnosioci zahtjeva za koje se utvrdi da:

- krše ili učestvuju u zloupotrebi ljudskih prava, uključujući prava manjinskih naroda;
- upotrebljavaju ili tolerišu prisilan ili nametnuti rad;
- upotrebljavaju ili tolerišu najgore oblike dječijeg rada;
- sudjeluju u proizvodnji, trgovini ili distribuciji:
 - oružja i/ili municije ili njihovih sastavnih dijelova te replike oružja koja se prodaju djeci;
 - alkoholnih pića (osim piva i vina);
 - duhana ili duhanskih proizvoda i
 - opreme i/ili organizovanja djelatnosti kockanja, kockarnica, kladionica i sličnih poduhvata organizovanja igara na sreću;

- pornografskih sadržaja;
- krše sankcije UN-a, relevantne konvencije, ugovore i rezolucije ili su na UN-ovim popisima o neprihvatljivosti;
- se bave nezakonitom proizvodnjom ili prodajom ili distribucijom bilo kojeg proizvoda, ili se bave aktivnošću koja se smatra nezakonitom prema domaćim zakonima ili propisima ili prema međunarodnim konvencijama i sporazumima ili onima koji podliježu međunarodnom postepenom ukidanju ili zabrani kao što su:
 - proizvodnja ili trgovina farmaceutskim proizvodima, pesticidima/herbicidima i drugim opasnim supstancama;
 - proizvodnja ili trgovina proizvoda koji sadrže polihlorovane bifenile (PCB);
 - proizvodnja ili trgovina supstancama koje oštećuju ozonski omotač (SOOO);
 - proizvodnja ili upotreba ili trgovina perzistentnim organskim polutantima (POPs);
 - trgovina divljim vrstama ili proizvodnja ili trgovina njihovim proizvodima koji su regulisani pravilima Konvencije o međunarodnoj trgovini ugroženim vrstama divljih životinja i biljaka (eng. Convention on International Trade in Endangered Species of Wild Fauna and Flora-CITES);
 - bavljenje tehnikama i metodama ribolova koje su neodržive (npr. morski ribolov sa kočarenjem (korištenje povlačne ribarske mreže) dužim od 2,5 KM;
 - proizvodnja ili trgovina ili upotreba azbesta ili proizvoda koje sadrže azbest;
 - prekogranični promet otpada koji je zabranjen prema međunarodnom javnom pravu;
- se bave aktivnostima koje su zabranjene domaćim zakonima ili međunarodnim konvencijama koje se odnose na zaštitu resursa biološke raznolikosti ili kulturne baštine;
- su izloženi kontraverzama i/ili drugim radnjama prije ili tokom provođenja Javnog poziva i koje mogu imati negativan uticaj na reputaciju UNDP-a, Projekta, donatora ili institucionalnih partnera uključenih u provedbu projektnih aktivnosti;
- koji nisu prihvatljivi u skladu sa internim aktima Banke.

Da li je korisnik kredita obavezan da otvori račun u UNION Banci?

Da. Kredit iz ove kreditne linije se tretira kao i svaki drugi kredit koji Banka odobrava. Razlike u odnosu na redovne kreditne linije u Banci se odnose na nižu kamatnu stopu koja se odobrava za ove vrste plasmana i subvenciju koja je obezbjeđena kroz GED projekt, koji finansira Švedska a implementira UNDP.

Da li Banka prati namjenski utrošak sredstava?

Da. U svrhu kontrole završetka investicije Banka prati namjensko korištenje sredstava. Prilikom korištenja kredita, Korisnik je obavezan da Banci dostavi fakture koje se odnose na investiciju koja se finansira i naloge za plaćanje tih faktura. Banka će na račun Korisnika u Banci prebaciti iznos potreban za realizaciju ovih naloga i izvršiti plaćanje iz sredstava kredita.

Na koji način se utvrđuje da je investicija uspješno završena?


Pored dostavljanja dokumentacije o izvršenim plaćanjima po osnovu planirane investicije, konačni završetak investicije utvrđuje osoblje UNDP-a kroz posjetu na licu mjesta kako bi se utvrdilo da je investicija urađena u skladu sa planiranim projektom. Nakon ove terenske posjete sačinjava se zapisnik/izvještaj koji predstavlja konačni dokument na osnovu kojeg se vrši isplata subvencije.

Napomena

Procjenu kreditne sposobnosti podnosioca zahtjeva Banka će vršiti u skladu sa važećim procedurama Banke.

Banka može, u slučaju potrebe, zahtijevati dodatne informacije o podnosiocu zahtjeva za kredit.

Za dodatna tumačenja i obrazloženja nadležna je Banka.



Union Banka d.d. Sarajevo - Centrala
Hamdije Kreševljakovića 19, 71000 Sarajevo, BiH

+387 33 561 000 | +387 33 219 201 | info@unionbank.ba | www.unionbank.ba